



Nuuk ulloq 22. maj 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Tunitsiviit puttasut umiarsuit marluk naalakkersuisut akuerisimasaat qaqugu tunitsivigineqarsinnaalissapat?**
- 2. Naalakkersuisut umiarsuarnik marluinnarnik akuersisimanerat aalisartoqasuseq aallaavigissagaanni naammagineqarsimanerpat?**
- 3. Naalakkersuisut qulakkeersimanerpaat umiarsuit puttasut tunitsivittut akuerineqarsimasut piffinni isorartuumi aallaaveqartumi saarullinnianermik inuutisarsiorlunut sunniuteqarnerlunnginnissaa?**
- 4. Ukiumut pisassat nungoriataarneqassagaluarpata Naalakkersuisut qanoq takorluuippat?**
- 5. 2018-mi saarullinnik pisassiumaarnissamut Naalakkersuisut qanoq takorluuippat?**
- 6. 2018-mi tunitsiveqarnikkut Naalakkersuisut qanoq aaqqiissuteqalersaar-pammita?**
- 7. 2018-mi tunitsivinni sulisussaqaarsinnaanikkut Naalakkersuisut qanoq patajaallisaaalersaar-pammita?**
 - a) SIK peqatigalugu suliarineqarsinnaava?**
- 8. 2018-mi nuttarsinnaanermut sulisussaqaarsinnaaneq eqqarsaatigalugu Naalakkersuisut qanoq takorluuisoqarpa.**

(Inatsisartuni ilaasortaq Villy Olsvig, Inuit Ataqatigiit)

Tungavilersuutit:

Ippassaq ulloq 18. maj 2017 Aalisarnermut Piniarnermut Nunalerinermullu Naalakkersuisup Karl Kristian Kruse-p inatsisartut oqaluttarfianiit oqariartuutigivaa saarullit maanna nunatsinni takkusimaarnerat **atorluarneqartariaqartut.**

Atorluarneqarlutik aningaasarsiutigineqassappata saarullinnianut tamakkiinerusumik naalakkersuisoqatigiit aaqqiissuteqartariaqarput.

Ukiumut pisassat killeqarput saarullittassallu maanna sineriak tamaat paggatassiissutigin eqarnikut atorluarneqassappata nunami tunitsiviit tingusinnaasaat aammalumi taakku ator-torissaarutaat toqqorsiviit qerititsiviit killeqarput piffinniit Royal Arctic Line aqutigalugu as-sartuineq killeqarpoq minnerunngitsumillu sulisussaaleqisoqalersarpoq, taakkuinnaalluunnit aalisartut saarullit takkusimaarneranni aningaasarsiorluarsinnaanerat killiler-simaarsinnaasarpaat.

Erseqqissaatigilarali tunitsivinnik puttasunik umiarsuarnik piliinikkut nunami suliffissuit tunitsiviusinnaanerat innarlerneqarnissaa kissaatiginanngimmat, taakkumi tamakkiisumik tin-

gusisinaanertik ingerlattariaqarpaat, taamaattorli saarulliit nunatta sineriaanut pulaartut aqquusaartut atorluarneqartariaqarput.

Nunatta aningaasaqarnikkut nappataa aalisarneq raajarniarneruppat qaleralinniarneruppat imaluunniit saarullinniarneruppat nunatsinni inuiaqatigiippassuarni aalisartuni aammalumi sulisartoqarnermi annertuumik aningaasanik kaaviartitsisoq tamakkiinerusumik aaqqiiffiqineqartariaqalinnginnerluni?

Neriulluta naalakkersuisooqatigiit tamakkiinerusumik saarullinnianut aaqqiissutaasinnaasumik Sisimiut taamatuttaarlu Kangaatsiap eqqaasalu aalisartortaanut aaqqiissutaasinnaasumik saaqummiussiumaartut piaartumik.

Ullut suliffiusut qulit qaangiutsinnagit akineqarnissara kissaatigaara.